

կոխ տուեց Մահամմետի տաանաբանեայ պատվիրաններէից մէկը և անուշ արեց արաղը: Բրօն, տաքացած ոգելի ըմպելիքով, ինձ շատ հետաքրքրակա՜ն պատմութիւններ արեց Մասիսների քարայրների մասին, որոնց մէկը ես յարմար եմ համարում այստեղ յիշելու:

Սովից առաջ, ասում էր Բրօն, Մասիսների այրերը բոլորը լիքն էին քուրդ բնակիչներով, որոնք ձմեռելու էին գալիս այստեղ: Ես անդադար գնում գալիս էի իմ ծանօթների մօտ: Մի անգամ մի անծանօթ քաշայրի պատահեցայ և ներս մտայ այնտեղ. ես գտայ մեծ քանակութեամբ զգեստների կտորներ իրար վերայ դարսած և գրած մագաղաթի կտորներ, գրքեր: Գրքերը ինձ պէտք չէին, ես ձեռն տարայ դէպի զգեստեղէնները, որ նրանցից օգուտ քաղեմ, բայց ափսոս, որ նրանք ափիս մեջ մշրվեցան*) և հող դարձան:

«Ձեռ կարող այժմ ցոյց տալ ինձ այդ այրը», հարցրի ես:

— «Ոչ», պատասխանեց Բրօն, «այդ այրը զրտնելու համար մի շարաթ պէտք է մանգալ, այժմ ձմեռն է, այս ձորերը շատ անգամ ամբողջ շաբաթներով ծածկվում են մշուշի տակ, նոյն իսկ

* Մ ա ն օ թ. Մշրելը Վանեցիք գործ են ածում փոխի առարկաների մանրելուն, ինչպէս փշրելը գործ է ածվում կարծր առարկաների համար: